

T A B U L A A R G U M E N T O R U M

Quae in hoc Primo Tomo Orationem Panegyricarum in Sanctorum laudem continentur.

P ro Panegyrico S. Andreae Apostoli.	pag. 1
Pro Panegyrico S. Thomae Apostoli.	14
Pro Panegyrico S. Stephani Protomartyris.	24
Pro Panegyrico S. Joannis Apostoli & Evangelistae.	37
Pro Panegyrico SS. Innocentium Martyrum.	50
Pro Panegyrico S. Iosephi Confessoris.	57
Pro Panegyrico S. Joannis Baptistae.	82
Pro Panegyrico S. Petri Apostoli.	97
Pro Panegyrico S. Pauli Apostoli.	114
Pro Panegyrico S. Mariae Magdalenae.	132
Pro Panegyrico S. Jacobi Majoris.	148
Pro Panegyrico S. Annae Matris B. V. M.	157
Pro Panegyrico S. Marthae Virginis.	166



CON-



CONCIONATORUM BIBLIOTHECA.

UBI ILLORUM SANCTORUM CONTINENTUR ELOGIA,
de quibus in Bibliis sermo est, & quorum Panegyrica
Orationes haberi consueverunt.

PRO S. ANDREAE PANEGYRICO.

M O N I T U M.



Uibus praesens hic labor noster usui aliquando futurus est, meminisse debent, quid in Praefatione monimus, nos videlicet primo hoc in Volumine de iis tantummodo Sanctis verba facere, de quibus in Scripturis est mentio; & in eo, quem institimus ordine, sequendi videlicet Annum Ecclesiasticum, quamvis Sancti Andreae festus dies non semper in Adventu celebretur, satis esse, quod non ita raro in eo celebrari contingat, ut ducamus initium a Magno hoc Apostolo, quem omnium primum Dei Filius ad sui sequelam vocavit, & qui ex illis est, quorum laudes uberius Concionatoribus suggerunt argumentum, factorum, virtutum, ac insignium sententiarum, in vita ipsius historia occurrentium varietate.

Hinc, licet totum admirabili Sancti huius elogium ad Apostoli, Confessoris, ac Martyris Dignitatem redigatur, tamen haec munera ea fide, diligentia, utilitate, atque in adeo singularibus obitu circumstantiis, ut operum non sit peculiarem illius characterem per se constitutur, quae ille habet cum reliquis Apostolis communia; latius disserendo de iis quae in illius vocatione magis comotata, in Apostolico cursu magis gloriosa, nec non magis generosa cum in moris genere, tum in sensibus, quos ad Crucis aspectum protulit, elucescant.

Animadvertendum duntaxat est, quemadmodum hoc exigit argumentum, ut sepe fiat sermo de Cruce, cuius amor, ac desiderium pulcherrimum aperit locum laudibus Sancti nostri; hoc Crucis vocabulum nobis, habita nostri ratione, in moralis sensu esse accipiendum, hoc est, pro eromnis, tribulationibus, ac persecutoribus, quae Crucis nomine appellantur, & quae a nobis prompto, hilarique animo suscipiende sunt, tanquam a Deo profecta. Hoc enim pacto Salvatoris preceptum implebimus iubentis eum, qui ipse esse cupit discipulus, tollere Crucem suam, atque in hoc statu perseverare, quod ille prestavit, ac juxta ejus exemplum Sanctus Andreas Discipulus ejusdem operatus est.

PARAGRAPHUS PRIMUS.

Variis Sermonum huius Argumenti prospectus.

Ambulans Iesus juxta mare Galilaeae, vidit duos fratres, Simonem, qui vocatur Petrus, & Andream fratrem ejus: & ait illis: venite post me. Matth. 4.

Uobis haece fratribus dicere, venite post me, erat eos ad crucem evocare; ita uterque in cruce obierunt: cum hoc tamen discrimine, quod Petrus illam timuit, Andreas autem dilexit. Crucis Amor, cuius ille nobis praestantissimum reliquit exemplum. S. Andreas crucem amavit; quippe invenit in cruce, quicquid omne suam meritum, omnemque gloriam suam coram Deo constitutum erat: videlicet Apostolatus sui complementum, suique sacerdotii consummationem. Duobus verbis: Crux cathedra est, ubi omnem ferventissimi Concionatoris zelum ostendit; pars prior: Crux ara est, ubi tanquam Sacerdos, & Pontifex novi testamenti ea, qua fieri poterat, perfectione sacrificii munus exercuit. Pars posterior.

Pars prior: Crux est Cathedra, ubi S. Andreas ferventissimi Concionatoris zelum ostendit.

tissimi Concionatoris zelum ostendit. Apostoli missi fuerunt, ut Iesum Christum cruciatum predicarent; & hoc munere nulli melius perfunctus est S. Andreas; quam cum ipse quoque fuit Cruci confixus. Cur ita? Quia de Cruce Iesum Christum, ejusque legem praedicavit; 1. Majori cum auctoritate, & gratia; 2. Majori vi, & ad persuadendum efficacitate; 3. Majori cum fructu, atque utilitate. 1. Majori cum auctoritate, & gratia. Crucem praedicare facillimum est, cum nihil est perferendum; & quantumvis disertus, & eloquens sit Concionator, illum minime decet aliis austeritate, atque mortificatione vitae genus persuadere, cum ipse tranquillam, & satis commodam agat. Sed Andreas Crucem de cruce ipsa praedicavit. 2. Majori vi, & ad persuadendum efficacitate. Nemo persuadet melius, quam qui palam sibi persuasum esse factis ostendit. Poterat ne aperius extendere quo usque sibi de merito crucis constaret, quam ipse etiam mori cupiens in Cruce? 3. Majori cum fructu, atque utilitate. Hinc profecto tot illa conversiones, quas Deus per S. Andream operatus est, & quas cum Divina gratia in nobis Exempli ejusdem virtus debet operari.

Pars posterior. Crux ara est, ubi Sanctus Andreas tanquam Sacerdos, & Pontifex novae legis, omnia, qua fieri poterat,

